



## Publicaziuns dalla vischnaunca, jamna 07

### Resultat dalla votaziun communal da dils 13-2-2022

Diember dils votants	1'491
Participaziun alla votaziun	45.0%

### Credit da frs. 622800.– pil project davart la sanaziun e renovaziun digl uor en Val Acletta

Dau giu cedels	671
Cedels vitsv	4
Cedels nunvaleivels	8
Total cedels vits e nunvaleivels	12
Cedels valeivels	659

<b>GIE</b>	<b>533</b>	<b>81%</b>
<b>NA</b>	<b>126</b>	<b>19%</b>

### Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter la votaziun communal da dils 13 da fevrer 2022 enteifer 3 dis dapi ch'il motiv da recuors ei vegnius constataus, sil pli tard denton il tierz di sunter la publicaziun uffiziala dils resultats. Il recuors ei d'inoltrar alla suprastanza communal.

Disentis/Mustér, ils 13 da fevrer 2022

---

### Damonda da baghegiar

#### 2022-1009.000

##### Datum dalla publicaziun: 18 da fevrer 2022

Ils patrons: Regula Franziska Wolz Gysi e Michael Gysi, Seftigerstrasse 6, 3007 Bern  
Il representant: Biro d'architectura Rico de Castelberg, Via Alpsu 2, 7180 Disentis/Mustér  
Object: Alzament digl edificci nr. 752, engrondaziun dalla surfatscha da habitar, novas sondas geotermicas, parcella 1112, Via Muot Selvaun 10, 7186 Segnas

### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 18 da fevrer 2022  
*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

#### Nr. 2021-1025.001

Societad da baghegiar Marietta, c/o Durschei Fiduziaria SA, Via Lucmagn 7, 7180 Disentis/Mustér; Midada da project; Construcziun nova da duas casas da pliras famiglias, parcella 2242, Via Latis 16 e 18, 7180 Disentis/Mustér.

#### Nr. 2021-1086.000

Albert Spescha, Via Acletta 4, 7180 Disentis/Mustér; Procedura posteriura; Construcziun d'in local da deposit, parcella 1317, Via Acletta 4, 7180 Disentis/Mustér.



**Nr. 2021-3002.000**

Societad da baghegiar Marietta, c/o Durschei Fiduziaria SA, Via Lucmagn 7, 7180 Disentis/Mustér; reclama da baghegiar temporara, parcella 2242, Via Latis 16 e 18, 7180 Disentis/Mustér.

Disentis/Mustér, ils 18 da fevrer 2022  
*Uffeci da baghegiar Disentis/Mustér*

---

**Annunzias da baghegiar**

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2022-2003.000**

Placi Bigliel-Hendry, Via Disla 1, 7180 Disentis/Mustér; sanaziun dallas schalusas, parcella 1779, Via Disla 1, 7180 Disentis/Mustér.

**Nr. 2022-2004.000**

Jean Marc Kiener, Im Grund 19, 8424 Embrach; niev indrez fotovoltaic sigl edifeci 276C, parcella 1438, Via Clis 10, 7180 Disentis/Mustér.

Disentis/Mustér, ils 18-2-2022  
*Uffeci da baghegiar Disentis/Mustér*

---

**Cussegl da vischnaunca**

Il cussegl da vischnaunca seraduna **venderdis, ils 18 da fevrer 2022**, allas 20.15 en halla Cons.

**Tractandas:**

1. Protocol 10-2021/2024
2. Project «la pendentia»: Presentaziun
3. Concept communal: Senda per velos da muntogna (mountainbike) – Project e damonda da credit (messadi nr. 16-2021/2024)
4. Revisiun parziala dallas statutas dil circuit da register funsil Cadi (messadi nr. 17-2021/2024)
5. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

**Engaschament da personal**

A caschun da sia seduta dils 29 d'october 2021 ha il cussegl da vischnaunca el rom dalla reorganisaziun communal revediu parzialmein il regulativ per il personal communal. Sebasond sil niev plan da plazzas, che possibilitescha als responsabels d'agir cun ina certa flexibilitad, ha la suprastanza communal eligiu suandont personal communal:

**Direcziun communal**

Naven dall'entschatta matg 2022 entra Carmen Wetzel da Mustér en survetsch dalla vischnaunca en in pensum da 70 % sco assistenta dalla direcziun communal.

**Menaschi tecnic**

Claudio Albin da Mustér ei il niev collaboratur dil menaschi tecnic en pensum cumplein. El surpren naven dall'entschatta matg 2022 incaricas en connex cul manteniment dall'infrastructura communal. Sco praticant da selvicultur en in pensum da 70 % vegn Damian Deplazes da Breil a sustener naven digl 1. d'avrel 2022 entochen ils 30 da settember 2023 nies menader dil menaschi tecnic Simon Cathomen. Sper siu engaschi tiel menaschi tecnic frequenta Damian Deplazes la scola da selviculturs a Maiavilla.



Nus beneventein cordialmein la nova collaboratura ed ils dus novs collaboraturs denter ils emploiats communalis e giavischein ad els bia plascher e satisfacziun en lur incaricas.

*Suprastonza communalala*

---

## Controlla da habitonts

### Naschientscha

Nicolas Deflorin, naschius ils 10 da fevrer 2022, fegl da Laura Ignazia e Simon Deflorin.

---

## Nossa scola populara Mustér

### Dis dallas portas aviartas 2022

#### Adatg! Nos dis da viseta han liug uonn il matg.

Geniturs ed autras persunas interessadas han la pusseviltad da visitar lur affons durant l'instrucziun, e quei sco suonda:

**mesjamna, ils 18 da matg 2022** (7.45–11.10 [12.00])

**gievgia, ils 19 da matg 2022** (7.45–16.15)

**venderdis, ils 20 da matg 2022** (7.45–16.15)

Per evitar malruaus giavischein nus da visitar l'entira lecziun. Ils affons e las persunas d'instrucziun selegran da Vossa viseta! Ils uraris da tuttas classas anfleis Vus sin nossa pagina d'internet: [www.scoladisentis.ch](http://www.scoladisentis.ch).

Sin bien seveser e cordials salids!

*Nossa scola populara Mustér*

---

## Fiasta dil vitg Mustér 2022

Suenter ina pausa pli lunga festivein nus **ils 13-8-2022** la proxima fiasta dil vitg a Mustér. La fiasta stat sut il motto «las generaziuns s'entaupan». Emblidei buca da scriver il datum gia oz en voss'agenda! Informaziuns pli detagliadas suondan las proximas jamnas. Selegrein gia oz sin in bellezza di cun biars hosps,

*ils organisaturs «Mustér s'entaupa»*

---

## Las vischnauncas ed uniuns culturalas

### Preavis

**Medel-Mustér-Tujetsch** s'entaupan ella Academia Vivian a Stagias. Cultura, cant e musica da mintga vischnaunca accumpignau cun specialitads culinaricas. **Sontgilcrest, ils 16 da zercladur 2022**, allas 16.00. Nus selegrein gia oz sin ina sentupada dalla Sursassiala.

Sin stedia participaziun

*las vischnauncas ed uniuns culturalas*

---

## Dorrfest Disentis/Mustér 2022

Nach einer längeren Pause werden wir **am 13.8.2022** in Disentis wieder ordentlich feiern. Das diesjährige Fest steht unter dem Motto «die Generationen treffen sich». Tragt das Datum schon einmal in eure Agenda ein. Weitere Informationen werden in den kommenden Wochen folgen. Wir freuen uns auf einen schönen Tag und auf viele Gäste,

*die Organisatoren «Mustér s'entaupa»*

---